

**Declaración de Valdeavellano de Tera ta
o reconoximiento e esfensa d'os Usos
Comunals e d'as ICCA en España**



Declaración de Valdeavellano de Tera ta o reconoximiento e esfensa d'os Usos Comunals e d'as ICCA en España

Os abaxo firmans, en o tarabidato de l'asamblea d'o ICCA Consortium, zelebrata en Valdeavellano de Tera, probinzia de Soria, os días 4 e 5 d'Otubre de 2013, y de resultas d'os alcuerdos trobatos en a reunión espezifica destinada a farchar a colla de triballo **"Iniziatiba Comunals: Iniziatiba ta o reconoximiento d'as Árias Conserbatas por Comunidaz Locals"** ta promover o estudio, esfensa y reconoximiento d'as **Árias Conserbatas por Comunidaz Locals (ICCA)** en España, **declaramos:**

1.- Que os **usos comunals e os suyos biens y dreitos asoziatos** son parti d'o Patrimonio Cultural (incluyito o Inmaterial), Ambiental e Sozio-economico d'España. Que os usos comunals (pesca, pastos, caza, usos forestals, riegos e otros), han sito claus tanto ta ra superbibenzia sozio-economica d'o meyo rural e d'a soziedá española en cheneral como ta ra protezién e integrazién de aquellas collas sozials e territorios más desfaborezitos, asinas como ta ra chestión sostenible d'o territorio, por o que cal que sigan estudiatos, reconoxitos e esfenditos.

2.- Que os usos comunals han sito claus ta ra conserbazién d'a biodibersidá, paisaches e ecosistemas en España, asinas como ta una chestión conforme e conserbazién d'os recursos, serbizios e balors que producen istos ecosistemas a ra soziedá, estando istos modelos de aprobeitamientos e os suyos procesos ecoloxicos impreszindibles ta esplicar a gran riqueza e dibersidá d'o nuestro patrimonio natural e cultural.

3.- Que, por un regle cheneral, iste patrimonio de mancomún ha sufrito istóricamén muitas esferras. Desamortizacions, usurpacions, municipalizazién, allenazions e a manca de reconoximiento sozial, churidico, legal e alministratibo e as malas dezisions políticas, han trayito a perda irreparable d'un inabracable patrimonio humano, sozial, economico, natural e cultural. As esferras encara continan baxo bellas trazas ta furtar a ras comunidaz locals a chestión d'os usos de mancomún e os suyos biens asoziatos.

4.- Que a penar de istas esferras, l'autitú istorica d'os beneficiarios e titulars d'os usos comunals, en esfensa d'os suyos dreitos, fizo posible que, autualmén, encara seigan una traza común, esitosa e espardita de gobernar o nuestro patrimonio natural e cultural. Mons de mancomún, de sozios, bezinals u comunals, cofadrías de pesca u marisqueyo, chuntas de pasto, de bal, e bezinals, fazerías, corrals de pesca, soziedaz de caza, zequias de careo, parzonerías, ledanías, ademprius, aleras, boalars, bizalers, quiñons e otras menas de gobernar chestionan bels millones d'ectarias con alta balor natural, economica e cultural e son a espresión d'a embrecadura e partizipazién de zientos de milentas de ziudadans en a chestión partizipadera, dreita, resilién e sostenible d'os recursos locals.

5.- Que cal que se reconoxcan, refirmen, emparen e promoziolen cadagún d'os tres pilars alazetals que han de carauterizar os usos comunals: **Comunidá, Gobierno e Conserbazién d'a Naturaleza**, tal e como se describen en a definizién de ICCA (Árias Conserbatas por Comunidaz Locals) emparata por bels organismos entrenazionales. En iste sendito, cal parar buena cuenta de preserbar e promoziolar as balors que, por un regle carauterizan os usos comunals e que os fan d'espezial balgua ta ra soziedá, entre otros, os d'a sostenibilidad, adautabilidad, a multifunzionalidá, a integrazién de balors culturals, o reparto equitatibo d'os recursos e a chustizia sozial, a corresponsabilidad, os procesos partizipatibos e o refirme d'as comunidaz locals.

6.- Que zereños organismos entrenazional, como o Programa d'as Nazions Chunitas ta o Meyo Ambién (PNUMA), o Combenio ta ra Dibersidá Biolojica (CBD) u a Chunta Entrenazional ta ra Conserbazión d'a Naturaleza (UICN) son reconoxendo cada begata con más empenta o importán rol d'as Árias Conserbatas por Comunidaz Locals (ICCA) en a conserbazión d'a naturaleza e a chestión sostenible d'os recursos a ran global. Manimenos, e a penar de isto, en España esiste una grau manca de reconoximiento d'a suya balor dende as alministracions publicas e un gran desconoximiento por parti d'a soziedá, siendo urchén en iste sendito reclamar o rol sozial, economico e ambiental d'as ICCA e o suyo potencial ta ra conserbazión, o desembolique d'o mundo rural e a soziedá en cheneral.

7.- Que a salú e o cabal economico, sozial e ambiental d'os usos comunals dependen d'as presonas que os chestionan e que son os berdaders espezialistas en o suyo goberno e funcionamiento. Istos ombres e mullers cal que sigan refirmatos soziamén ta que puedan continar fendo a suya fayena en unas condizions chustas. Por tot o debandito, a suya partizipación en as dezisions politicas que afeutan a os comunals ye imprescindible si se quiere asegurar o suyo mantenimiento e sostenibilidad esdebenidera.

8.- Que, parando cuenta d'o debandito, ta poder garantir a superbibenzia d'a gran riqueza e bariedá de menas de titularidá e chestión coleutiba existens en España e poder desembolicar o suyo rezió potencial e as suyas balors asoziatas, cal fomentar nuebas alianzas e sinerchias, dende o ran local dica o global, feitas dende a partizipación d'os alazes, o refirme d'as comunidaz locals e o enfoque partizipatibo ("dende o cobaxo entalto"). Ta isto cal meter ficazio en o establecimiento de bías de solidaridá mutua entre as comunidaz que chestionan usos comunals, asinas como o establecimiento de obxetivos comuns con nuevos achens sozials, más que más en as dembas d'a rechira zientifica, a conserbazión d'a naturaleza, l'amostranza, o dreito e a comunicazión. A o que cal adibir establecer una alianza entre os usos comunals e as comunidaz urbanas, que potenzie os bariatos ñudos que as pían.

9.- Que bi ha un zereño alazet zientifico que contrimuestra, como norma cheneral, 1. A contribución istorica d'os usos comuns a un desembolique más sostenible e igualitario, e 2. A suya importán contrebución sozial, economica e ambiental en l'actualidá, asinas como 3. O suyo potencial ta o desembolique d'iniziatibas que contribuigan a afrontar buena parti d'os desafíos sozials, ambientals e economicos con os que se concara a soziedá actual e as chenerazions esdebenideras. Consideramos espezialmén destacable en iste sendito a bía d'imbestigazión ubierta por a dotora Elinor Ostrom, Premio Nobel d'Economía en 2009, que contrimuestró "*cómo os biens comuns pueden ser alministratos de buena traza por una colla d'usuarios*", trencando a dicotomía publico/pribato pues rescata as balors d'a titularidá coleutiba, e esparando asinas o conzeuto tan enradigato, e asobén intresato, de que a chestión d'a propiedá común ye endrechata por a suya propia naturaleza enta o chandrío.

10.- Que por os motivos debanditos cal que siga una prioridá d'as propias comunidaz comuneras, d'as distintas alministracions e a soziedá en o suyo conchunto parar cuenta d'a protezión e o reconoximiento de dito patrimonio coleutibo sobre os prinzipios de **inallenabilidad, indibisibilidad, imprescritibilidad e inembargabilidad**, asinas como garantir o respeto a o dreito escrito, fuero u costumbre d'as comunidaz, o suyo pleno reconoximiento legal, a suya plena capacidá churidica en a esfensa e chestión d'os suyos recursos e a partizipación adecuada d'os suyos organos de goberno en o tocante a dezisions que afeuten a iste patrimonio. En iste sendito, as reformas lechislatibas presens e esdebenideras han de respetar os dreitos istoricos d'as comunidaz locals e a suya autonomía en a chestión d'o patrimonio comun. Asinas mesmo os usos comunals e os suyos biens e dreitos asoziatos ye menester que sigan chestionatos de traza partizipatiba e sostenible, con l'obxetibo de garantir a tresmisión d'iste patrimonio ta disfrute d'as chenerazions esdebenideras sin denguna perda en as suyas balors economicas, sozials e ambientals.

Firmans:



Mancomunidad de Montes Veciñais en Man Común de Castrove-Salnés



Federación Estatal de Pastores



MANCOMUNIDADE DE MONTES VECIÑAIS EN MAN COMÚN DO MORRAZO



Grupo de Estudos da Propiedade Comunal

Comunidade de Montes de Vilar de Triacastela